

十
八
家
詩
鈔

十八家詩鈔卷二十二目錄

蘇東坡七律下二百八十二首

和王旂二首

次韻張琬

贈梁道人

泗州南山監倉蕭淵東軒二首

泗州除夜雪中黃師是送酥酒二首

章錢二君見和復次韻答之二首

書劉君射堂

留題蘭皋亭

和人見贈

和田仲宣見贈

記夢

與歐育等六人飲酒

和仲伯達

送竹几與謝秀才

次韻許遵

送穆越州

贈葛章

次韻送徐大正

次韻徐積

過密州次韻趙明叔喬禹功

登州孫氏松堂

次韻趙令鑠

次韻王定國得穎倅二首

次韻王震

次韻周邠

次韻胡完夫

次韻錢穆父

次韻穆父舍人再贈之什

八家詩金 卷二十二
再次韻答完夫穆父

次韻答滿思復

和人假山

次韻子由送千之姪

次韻錢舍人病起

次韻朱光庭初夏

送賈訥倅眉二首

次韻李修孺留別二首

和周正孺墜馬傷手

潘維官母李氏挽辭

玉堂栽花周正孺有詩次韻

杜介送魚

送杜介歸揚州

次韻張昌言給事省宿

送錢承制赴廣西路分都監

次韻曾子開從駕二首

再和二首

次韻貢父省上

再和

和張昌言喜雨

次韻劉貢父西省種竹

次韻劉貢父獨直省中

次韻張昌言喜雨

次韻孔常父送張天覺河東提刑

次韻王定國倅揚州

次韻張舜民自御史出倅虢州畱別

次韻劉貢父所和韓康公憶持國二首

次韻劉貢父叔姪扈駕

次韻韓康公置酒見畱

次韻王都尉偶得耳疾

和宋肇遊西池次韻

僕領貢舉未出錢穆父雪中作詩見及三月二十日同遊

金明池始見其詩次韻爲答

次韻子由五月一日同轉對

次韻許冲元送成都高士敦鈐轄

臥病逾月請郡不許復直玉堂十一月一日鎖院是日苦

寒詔賜官燭法酒書呈同院

次韻王定國會飲清虛堂

夜直玉堂攜李之儀端叔詩百餘首讀至夜半書其後

范景仁和賜酒燭詩復次韻謝之

次韻劉貢父春日賜幡勝

再和

葉公秉王仲至見和次韻答之

再和

王鄭州挽詞

送呂昌朝知嘉州

次韻黃魯直寄題郭明父府推潁州西齋二首

次韻秦少章和錢蒙仲

次韻錢越州

去杭州十五年復遊西湖用歐陽察判韻

送子由使契丹

次韻答劉景文左藏

坐上復借韻送岢嵐軍通判葉朝奉

始於文登海上得白石數升如芟實可作枕聞梅丈嗜石

故以遺其子子明學士子明有詩次其韻

次韻錢越州見寄

次韻劉景文周次元寒食同遊西湖

新茶送箴判程朝奉以餽其母有詩相謝次韻答之

次韻送張山人歸彭城

次韻林子中王彥祖唱酬

壽星院塞碧軒

贈善相程傑

次韻林子中蒜山亭見寄

再和竝答楊次公

次韻曹輔寄壑源試焙新茗

次韻袁公濟謝芎椒

次韻楊次公惠徑山龍井水

次韻林子中見寄

次韻蘇伯固主簿重九

送李陶通直赴清谿

聞錢道士與越守穆父飲酒送一壺

次韻劉景文西湖席上

次韻答馬忠玉

次韻答黃安中兼簡林子中

次韻子由書王晉卿畫山水一首而晉卿和二首

和劉景文見贈

次韻陳履常

和陳傳道雪中觀燈

次韻林子中春日新隄書事見寄

雙石

王文玉挽辭

行宿泗閒見徐州張天驥次舊韻

次韻劉景文贈傅義秀才

在彭城日與定國爲九日黃樓之會今復以是日相遇於
宋凡十五年憂樂出處有不可勝言者而定國學道有
得百念灰冷而顏益壯顧予衰病心形俱瘁感之作詩
次韻蔣穎叔錢穆父從駕景靈宮二首

次韻穆父尙書侍祠郊邱瞻望天光退而相慶引滿醉吟
錢穆父蔣穎叔王仲至見和仇池詩復次韻答之

玉津園

次韻王仲至喜雪御筵

次天字韻答岑巖起

次韻蔣穎叔扈從景靈宮

程德孺惠海中柏石兼辱佳篇輒復和謝

次秦少游韻贈姚安世

次韻穎叔觀燈

次韻王晉卿奉詔押高麗燕射

呂與叔學士挽詞

表弟程德孺生日

次韻曾仲錫承議食蜜漬生荔枝

再和曾仲錫荔枝

次韻滕大夫雪浪石

次韻滕大夫沈香石

和錢穆父送別並求頓遞酒

寄饒合刷瓶與子由

次韻劉燾撫句蜜漬荔枝

次韻曾仲錫元日見寄

次韻李端叔送保倅翟安常赴闕兼寄子由

中山松醪寄雄守王引進

次韻王雄州還朝醵別

次韻王雄州送侍其涇州

贈清涼寺和長老

壺中九華詩

八月七月初入贛過惶恐灘

天竺寺

舟行至清遠縣見顧秀才極談惠州風物之美

廣州蒲澗寺

贈蒲澗長老

浴日亭

十月二日初到惠州

朝雲詩

新釀桂酒

惠守詹君見和復次韻

詹守攜酒見過用前韻作詩聊復和之

正月二十六日偶與數客野步嘉祐僧舍東南野人家雜
花盛開扣門求觀主人林氏媪出應白髮青裙少寡獨
居三十年矣感歎之餘作詩記之一首

贈王子直秀才

真一酒

二月十九日攜白酒鱸魚過詹使君食槐葉冷淘

連雨漲江二首

桄榔杖寄張文潛一首時初聞黃魯直遷黔南范滂父九
疑也

答周循州

六月十二日酒醒步月理髮而寢

十一月九日夜夢與人論神仙道術因作一詩八句既覺
頗記其語錄呈子由弟後四句不甚明了今足成之耳
章質夫送酒六壺書至而酒不達戲作小詩問之

和子由盆中石菖蒲忽生九花

悼朝雲

白鶴峯新居欲成夜過西鄰翟秀才二首

吳子野絕粒不睡過作詩戲之芝上人陸道士皆和予亦

次其韻

次韻惠循二守相會

又次韻二守許過新居

又次韻二守同訪新居

循守臨行出小鬟復用前韻

客俎經旬無肉又子由勸不讀書蕭然清坐乃無一事

次韻子由三首

十二月十七日夜坐達曉寄子由

上元夜過赴儋守召獨坐有感

海南人不作寒食而以上巳上冢子搗酒尋諸生皆出矣
獨老符秀才在因與飲至醉

庚辰歲人日作時聞黃河已復北流老臣舊數論此今斯
言乃驗二首

庚辰歲正月十二日天門冬酒熟予自漉之且漉且嘗遂
以大醉二首

追和戊寅歲上元

汲江煎茶

六月二十日夜渡海

次韻王鬱林

送鮮于都曹歸蜀灌口舊居

送邵道士彥肅還都嶠

題馮通直明月湖詩後

次韻鄭介夫二首

昔在九江與蘇伯固唱和其略曰我夢扁舟浮震澤雪浪橫江千頃白覺來滿眼是廬山倚天無數開青壁蓋實夢也昨日又夢伯固手持乳香嬰兒示予覺而思之蓋南華賜物也豈復與伯固相見於此耶今得來書知已
在南華相待數日矣感歎不已故先寄此詩

次韻韶守狄大夫見贈二首

次韻韶倅李通直二首

李伯時畫其弟亮功舊隱宅圖

過嶺二首

畱題顯聖寺

贈虔州術士謝晉臣

王子直去歲送子由北歸往返百舍今又相逢贛上戲用

舊韻作詩畱別

次韻江海叔兼呈器之

寒食與器之遊南塔寺寂照堂

永和清都觀道士童顏鬢髮問其年生於丙子蓋與子同
求此詩

贈詩僧道通

予昔作壺中九華詩其後八年復過湖口則石已爲好事
者取去乃和前韻以自解云

次舊韻贈清涼長老

予以事繫御史臺獄獄吏稍見侵自度不能堪死獄中不
得一別子由故作二詩授獄卒梁成以遺子由

十二月二十八日蒙恩責授檢校水部員外郎黃州團練
副使復用前韻二首

十二月二十日恭聞太皇太后升遐以軾罪人不
承服

欲哭則不敢欲泣則不可故作挽詞二章

趙成伯家有麗人僕忝鄉人不肯開樽徒吟春雪美句次
韻一笑

贈虔州慈雲寺鑿老

觀開西湖次吳左丞韻

渝州寄王道祖

聞洮西捷報

己未十月十五日獄中恭聞太皇太后不豫有赦作詩

謝人惠雲巾方舄二首

被命南遷塗中寄定武同僚

次韻王定國得晉卿酒相畱夜飲

秋晚客興

陳伯比和回字復次韻

畱別登州舉人

過嶺寄子由二首

歐白塔鋪

西蜀楊蒼二十年前見之甚貧今見之亦貧頃宿長安驛

舍聞泣者甚怨問之乃昔富而今貧者乃作一詩以贈

楊君

贈人

觀湖二首

寄高令

寄子由

詩送交代仲達少卿

次韻馬元賓

第五橋

次韻完夫再贈之什某已卜居毗陵與完夫有廬里之約云

和林子中待制

九日袁公濟有詩次其韻

和吳安持使者迎駕

鹿鳴宴

次韻張甥棠美晝眠

真興寺閣禱雨

惠州近城數小山類蜀道春與進士許毅野步會意處飲
之且醉作詩以記示西湖諸友

送蜀僧去塵

曾元恕遊龍山呂穆仲不至

黃河

壬寅重九不預會獨遊普門寺僧閣有懷子由

小飲公瑾舟中

和子由次王鞏韻如囊之句可爲一噓

儻耳

答李端叔

立春日病中邀安國仍請率禹功同來僕雖不能飲當請
成伯主會某當杖策倚几於其閒觀諸公醉笑以撥滯
悶也二首

和參寥見寄

東園

奉和陳賢良

秋興三首

夜直祕閣呈王敏甫

次韻參寥寄少游

謝曹子方惠新茶

題潭州徐氏春暉亭

贈仲勉子文

講武臺南有感

題寶雞縣斯飛閣

重遊終南子由以詩見寄次韻

次韻和子由欲得驪山沈泥硯

次韻子由彈琴

十八家詩金卷二十二目錄

善化黃維申襄校

十八家詩鈔卷二十二

湘鄉曾國藩纂 合肥李鴻章審訂 東湖王定安校

蘇東坡七律下二百八十二首

和王旂二首

異時長怪謫仙人舌有風雷筆有神
聞道騎鯨遊汗漫憶嘗捫蝨話
悲辛氣吞餘子無全目詩到諸郎
尙絕倫白髮故交空掩卷淚河東
注問蒼旻

嫋嫋春風送度關娟娟霜月照生
還遲留歲暮江淮上來往君家
伯仲閒未厭冰灘吼新洛且看
松雪媚南山野梅官柳何時動
飛蓋長橋待子閑

次韻張琬

施注是時有兩張琬一韓城人父昇樞密使歸老高少元祐初琬自齊州倅求便親養兩易衛

尉丞以才擢知秀州崇甯間爲廣東轉運副使移京東西路又一郡陽人治平二年登第詩中有臨淮自古多名士之句臨淮乃泗邑疑自有一張琬而

二人者皆非也姑載於此以俟知者正之

新洛霜餘兩岸隆塵埃舉袂識西風臨淮自古多名士樽酒相

連一作樂寓公半日偷閑歌嘯裏百年暗盡往來中知君不向

窮愁老尙有清詩氣吐虹

贈梁道人

採藥壺公處處過笑看金狄手摩挲老人大父識君久造物小

兒如子何塞盡山中無歷日雨斜江上一漁蓑神仙護短多官

府未厭人閒醉踏歌

泗州南山監倉蕭淵東軒二首

偶隨樵父採都梁

公自注南山名都梁
出都梁香故也

竹屋松扉試乞漿但見

東軒堪隱几不知公子是監倉
谿中亂石牆垣古山下寒蔬已
簪香我是江南舊遊客挂冠知有老蕭郎

北望飛塵苦畫羅洗心聊復寄東齋
珍禽聲好猶思越野橘香清未過淮
有信微泉來遠嶺無心明月轉空階
一官倉庾真堪老坐看松根落斷崖

泗州除夜雪中黃師是送酥酒二首

暮雪紛紛投碎米春流活活咽

一作咽

走黃沙舊遊似夢徒能說遷

一作

客如僧豈有家冷硯欲書先自凍孤燈何事獨成

一作生花

使君半夜分酥酒驚起妻孥一笑譁

關右土酥黃似酒揚州雲液卻如酥欲從元放覓拄杖忽有麴
生來坐隅對雪不堪令飽煖隔船應已厭歌呼明朝積玉深三
尺高枕牀頭尙一壺

章錢二君見和復次韻答之

黃昏已作風翻絮半夜猶驚月在沙照汴玉峯明佛剎隔淮雲
海暗人家來牟有信迎三白蒼蘆無香散六花欲喚阿咸來守

歲林烏櫪馬鬪謹

一作謹

分無纖手裁春勝更有新詩點蜀酥醉裏冰髭失纓絡夢回布
被起廉隅君應旅睫寒生暈我亦飢腸夜自呼明日南山春色

動不知誰佩紫微壺

書劉君射堂

集本云劉乙新作射堂
公自注乙父嘗知眉州

蘭玉當年刺史家
雙鞬馳射笑穿花
而今白首閑驄馬
只有清樽照畫蛇
寂寂小軒蛛網遍
陰陰垂柳鴈行斜
手柔弓燥春風後
置酒看君中戟牙

留題蘭舉亭

雪夜東風未肯和
叩門遷客夜經過
不知舊竹生新筍
但見清伊換濁河
無復往來乘下澤
聊同笑語說東坡
明年我亦開三徑
寂寂兼無雀可羅

和人見贈

只寫東坡不著名此身已是一長亭壯心無復春流起衰鬢從
教病葉零知有雪兒供筆硯應嗤竈婦洗盆餅回來索酒公應
厭京口新傳作客經

和田仲宣見贈

頭白江南醉司馬寬心時復喚殷兄寒潮不應淮無信客路相
隨月有情未許低頭拜東野徒言共飲勝公榮好詩惡韻那容
和刻燭應須便置觥

記夢

並序

樂全先生夢人以詩三篇示之字皆旁行而不可識旁
有人道衣古貌爲讀其中一篇云人事且常在留質悟

圓閒凡四句覺而忘其二以告其客蘇軾軾以私意廣之云

圓閒有物物閒空豈有圓空入井中不信天形真箇樣故應眼力自先窮連環易一作解如神手萬竅猶號未濟風稽首問公公大笑本來誰礙更求通

與歐育等六人飲酒

忽驚春色二分空且看樽前半丈紅苦戰知君便白羽倦遊憐我憶黃封年來齒髮老未老此去江淮東復東記取六人相會處引杯看劍坐生風

和仲伯達

歸山歲月苦無多，尚有丹砂奈老何。
繡谷只應花自染，鏡潭長與月相磨。
君方傍海看初日，我已橫江擊素波。
人不我知斯我貴，不須雷雨起龍梭。

送竹几與謝秀才

平生長物擾天真，老去歸田只此身。
畱我同行木上座，贈君無語竹夫人。
但隨秋扇年年在，莫鬪瓊枝夜夜新。
堪笑荒唐玉川子，莫年家口若爲親。

次韻許遵

蒜山渡口挽歸艍，朱雀橋邊看道裝。
供帳已應煩百兩，擊鮮無久溷諸郎。
問禪時到長干寺，載酒閒過綠野堂。
此味只憂兒輩

覺逢人休道北窗涼

送穆越州

穆名珣字東美

江海相忘十五年
羨公松柏蔚蒼顏
四朝耆舊冰霜後
兩郡風流水石閒
舊政猶傳蜀父老
先聲已振越溪山
樽前俱是蓬萊守
莫放高樓雪月閒

贈葛羣

竹椽茅屋半摧傾
肯向峰窠寄此生
長恐波頭卷室去
欲將船尾載君行
小詩試擬孟東野
大草閒臨張伯英
消遣百年須底物
故應憐我不歸耕

次韻送徐大正

公自注嘗與余約卜鄰於江淮閒將赴登州同舟至山陽以詩見送留別

別時酒醖照燈花。知我歸期漸有涯。去歲渡江萍似斗。今年並海棗如瓜。多情明月邀君共。無價青山爲我賒。千首新詩一竿竹。不應空釣漢江槎。

次韻徐積

殺雞未肯邀季路。裹飯先須問子來。但見中年隱槐市。豈知平日賦蘭臺。海山入夢方東去。風雨留人得暫陪。若說峨眉眼前事。故鄉何處不堪回。

過密州次韻趙明叔喬禹功

先生依舊廣文貧。老守時遭醉尉瞋。汝輩何曾堪一笑。吾儕相對復三人。黃雞唱曉淒涼曲。白髮驚秋見在身。一別膠西舊朋

友扁舟歸釣五湖春

登州孫氏松堂

萬松誰種已攸攸半嶺蒼雲映此邦
露重珠瓊蒙翠蓋風來石齒碎
寒江浮空兩竹橫南閣倒景扶桑射
北窗坐待夕烽傳海嶠重城歸去踏
逢逢

次韻趙令錄

東坡已報六年穰惆悵紅塵白首郎
枕上谿山猶可見門前冠蓋已相望
故人年少真瓊樹落筆風生戰堵牆
端向甕閒尋吏部老來專以醉爲鄉

次韻王定國得穎倅二首

仙風入骨已凌雲秋水爲文不受塵一噫固應號地籟餘波猶足挂天神買牛但自捐三尺射鼠何勞挽六鈞莫向百花潭上去醉翁不見與誰親

滔滔四海我知津每媿先生植杖耘自少多言晚聞道從今閉口不論文灑翻白獸樽中酒歸煮青泥坊底芹要識老僧無盡處牀前牛蟻不曾聞

次韻王震

自此以上皆黃州常州居
住暨自登州將還朝之詩

攜文過我治平閒霧豹當時始一班聞道吹噓借餘論故教流落得生還清篇帶月來霜夜妙語先春發病顏詩酒暮年猶足用竹林高會許時攀

次韻周邠

自此以下入朝爲起居舍人翰林學士以後之詩

南遷欲舉力田科三徑初成樂事多
豈意殘年踏朝市有如疲
馬畏陵坡羨君同甲心方壯笑我無聊鬢已皤
何日西湖尋舊賞
淡煙疏雨暗漁蓑

次韻胡完夫

完夫名宗愈晉陵人副樞宿之姪

青衫別淚尙爛斑十載江湖困抱關
老去上書還北闕朝來拄笏看
西山相從杯酒形骸外笑說平生醉夢閒
萬事會須咨伯始
白頭容我占清閑

次韻錢穆父

老入明光踏舊班
染須那復唱陽關
故人飛上金鑾殿
病遷

集作

客來從飯裏山大筆推君西漢手一言置我老劉

集作劉二劉聞注公自

行賦告詞引董仲舒劉向事

便須置酒呼同舍看賜飛龍出帝閑

次韻穆父舍人再贈之什

詔語春溫昨夜班屋頭鳴鳩便關關遊仙夢覺月臨幌賀雨詩
成雲滿山憐我白頭來仗下看君黃氣發眉間鳳池故事同機
務火急開樽及尙閑

再次韻答完夫穆父

公自注二公自言
先世同在西掖

掖垣老吏

一作史

識郎君竝轡天街兩絕塵汗血固應生有種夜

光那復困無因豈知西省深嚴地也著東坡病瘦身免使謫仙
明月下狂歌對影只三人

次韻答滿思復

自甘茅屋老三間，豈意彤廷綴兩班。
紙落雲煙供醉後，詩成珠玉看朝還。
誰言載酒山無賀，記取唳烏巷有顏。
但恐跛牂隨赤驥，青雲飛步不容攀。

和人假山

上黨攙天碧玉環，絕河千里抱商顏。
試觀煙雨三峯外，都在靈仙一掌間。
造物何如童子戲，寫真聊發使君閑。
何當挈取西征去，畫作圍牀六曲山。

次韻子由送千之姪

江上松栢深復深，滿山風雨作龍吟。
年來老幹都生菌，下有孫

枝欲出林白髮未成歸隱計青山儻有濟時心閉門試草三千牘仄席求人少似今

次韻錢舍人病起

牀下龜寒且耐支杯中蛇去未應衰殿門明日逢王傅欄具爭先看不疑坐覺香煙攜袖少獨愁花影上廊遲何妨一笑千疴散絕勝倉公飲上池

次韻朱光庭初夏

朝罷人人識鄭崇直聲如在履聲中臥聞疏響梧桐雨獨詠微涼殿閣風諫苑君方續承業醉鄉我欲訪無功陶然一枕誰呼覺牛蟻初除病後聰

送賈訥倅眉二首

當年入蜀歎空回未見峨眉肯再來童子遙知頌襦袴使君先

已洗樽罍

公自注李大夫眉之賢守也

鹿頭北望應逢鴈人日東郊尙有梅

公自注人日出東郊渡江遊藝頤山眉之故事也

我老不堪歌樂職後生試覓子淵才

老翁山下玉淵回手植青松三萬栽父老得書知我在蓬蒿親

手爲君開試看一一龍蛇舞更聽蕭蕭風雨哀便與甘棠同不

萬蒼髯白甲待歸來

公自注先君葬於藝頤山之東二十餘里地名老翁泉君許爲一往感歎之深故及

之

次韻李修孺畱別二首

十年流落敢言歸魚鳥江湖只自知豈意青天掃雲霧盡呼黃

髮寄安危風流吾子真前輩人物他年記一時我欲折繻畱此
老緇衣誰作好賢詩

此生別袖幾回麾夢裏黃州空自疑何處青山不堪老當年明
月巧相隨窮通等是思家意衰病難堪送客悲好去江魚煮江
水劔南歸路有姜詩

和周正孺墜馬傷手

平生學道已神完豈復兒童私自憐醉墜何曾傷內守色憂當
爲念先傳書空漸覺新詩健把蟹行看樂事全賣卻老驄爲酒
直大呼鄉友作新年

潘推官母李氏挽辭

南浦淒涼老逐臣東坡還往盡幽人杯棹一作盤慣作陶家客絃
誦嘗叨孟母鄰尙有升堂他日約豈知負土一阡新今年我欲
江湖去暮雨連山宰樹春

玉堂栽花周正孺有詩次韻

故山桃李半荒榛
纒報君恩便乞身
竹簟暑風招我老
玉堂花藥爲誰春
纖纖翠蔓詩催發
皎皎霜葩髮鬪新
只有來禽青李帖
他年畱與學書人

杜介送魚

新年已賜黃封酒
舊老仍分頰尾魚
陋巷關門負朝日
小園除雪得春蔬
病妻起斫銀絲鱸
稚子謹尋尺素書
醉眼朦朧覓歸

路松江煙雨晚疏疏

送杜介歸揚州

再入都門萬事空。閉看清洛漾東風。當年帷幄幾人在。回首瓠
稷一夢中。採藥會須逢薊子。問禪何處識龐翁。歸來鄰里應迎
笑。新長淮南舊桂叢。

次韻張昌言給事省宿

馮顛久已歛殘雪。戎眼何曾眩落暉。朔野按行猶爵躍。東臺瞑

坐覺鳥飛

公自注道家有鳥飛入兔宮之說

謾誇年少容吾在

公自注樂天詩云猶有誇張少

年處笑呼張丈喚殷兄

若鬪樽前舉世稀。待向崧陽求水竹。一犁煙雨伴

公歸

送錢承制赴廣西路分都監

當年我作表忠碑，坐覺江山氣未衰。
舞鳳尙從天目下，收駒時有渥洼姿。
踞牀到處堪吹笛，橫槩何人解賦詩。
知是丹霞燒佛手，先聲應已懾羣夷。

次韻曾子開從駕二首

槐街綠暗雨初勻，瑞霧香風滿後塵。
清廟幸同觀濟濟，豐年喜復接陳陳。
雍容已鑿天庖賜，俯伏初嘗貢茗新。
輦路歸來聞好語，共驚堯顙類高辛。

入仗魂驚愧草萊，一聲清蹕九門開。
暉日傍金輿，轉習習風從玉宇來。
流落生還眞一芥，周章危立近三槐。

公自注學士道班近執政

旁儻有山中舊問我收身蚤晚回

再和

眼花錯莫鬢霜勻病馬羸騶只自塵奉引拾遺叨侍從思歸少
傅羨朱陳衰年壯觀空驚目嶮韻清詩苦鬪新最後數篇君莫
厭擣殘椒桂有餘辛

憶觀滄海過東萊日照三山迤邐開桂觀飛樓凌霧起仙幢寶
蓋拂天來不聞宮漏催晨箭但覺檐陰轉古槐供奉清班非老
處會稽何日乞方回

公自注時方
闕會稽守

次韻貢父省上

密雲今日破郊西疏雨脩脩未作泥要及清閑同笑語行看衰

病後扶攜花前白酒傾雲液戶外青鸞響月題不用臨風苦揮
淚君家自與竹林齊公自注貢父詩中有不及與其兄原甫同
時之歎然其兄子仲馮今爲起居舍人

再和

當年曹守我膠西共厭餽糟與汨泥自古赤丸成習俗因公黃
犢免提攜生還各有青山興病起猶能小字題莫怪歌呼數相
和曾將獄市寄全齊公自注貢父爲曹州盜賊皆奔鄰
境嘗有詩云從教晉盜穢奔秦

和張昌言喜雨

二聖憂勤忘寢食百神奔走會風雲禁林夜直鳴江瀨清洛朝
回起縠紋夢覺酒醒聞好語帳空簾冷發餘薰秋來定有豐年
喜賸作新詩準備君

次韻劉貢父西省種竹

要知西掖承平事記取劉郎種竹初舊德終呼名字外後生誰

續笑談餘公自注昔李公擇種竹館中戲語同舍後人指此竹必云李文正手植貢父笑曰文正不獨繫筆亦知種

工竹邪時有筆成陰障日行當見取筴供庖計已疏白首林間望

天上平安時報故人書

次韻劉貢父獨直省中

明窗畏日曉先暎高柳鳴蜩午更喧筆老新詩疑有物心空客

疾本無根隔牆我亦眠風榻上馬君先瑣月軒共喜蚤歸三伏

近解衣槃礴亦君恩

次韻張昌言喜雨

千里黃流失故居年來赤地到青徐遙聞爭誦十行詔無異親
巡六尺輿精貫天人一言足雲興嶽瀆萬靈趨愛君誰似元和
老賀雨詩成卽諫書

次韻孔常父送張天覺河東提刑

送君應典鸛鷄裘憑仗千鍾洗別愁脫帽風流餘長史

公自注君喜草

書而不工故埋輪家世本畱侯

公自注張綱子房七世孫也繼爲武陽人墓在今彭山君豈其

後子河駿馬方爭出

公自注麟府馬出子河泌昭義疲兵得少休公自注唐

兵蓋澤潞定向秋山得佳句故關黃葉滿行舟

福昭義步

次韻王定國倅揚州

此身江海寄天遊一落紅塵不易收未許相如還蜀道空教何

遜在揚州又驚白酒催黃菊尚喜朱顏映黑頭火急著書千古事虞卿應未厭窮愁

次韻張舜民自御史出倅虢州留別

玉堂給札氣如雲初起湘纍復佩銀樊口淒涼已陳迹公自注昔與張

同遊武昌樊口來詩中及之班心突兀見長身公自注臺史謂御史立處爲班心江湖前日

眞成夢鄴杜他年恐卜鄰此去若容陪坐嘯故應客主盡詩人

次韻劉貢父所和韓康公憶持國二首

夢覺眞同鹿覆焦相君脫屣自參寥顏紅底事髮先白室邇何妨人自遙狂似次公應未怪醉推東閣不須招援毫欲作衣冠表盛事終當繼八齋

閉戶端居念獨深
小軒朱檻憶同臨
燎鬢誰識英公意
黃髮聊知子建心
已託西風傳絕唱
且邀明月伴孤斟
他時內集應呼我
下客先拚醉墮簪

次韻劉貢父叔姪扈駕

玉堂孤坐不勝清
長羨枚鄒接長卿
只許隔牆聞置酒
時因議事得聯名
機雲似我多遺俗
廣受如君不治生
共託屬車塵土後
釣天一餉夢中榮

次韻韓康公置酒見畱

庭下黃花一醉同
重來雪嶽已穹窿
不應屢費譏安石
但使無多酌
次公鍾乳金釵人
似玉鴟絃鐵撥坐
生風少卿尚有車茵

在頗覺寬容勝弱翁

次韻王都尉偶得耳疾

君知六鑿皆爲贅我有一言能決疣
病客巧聞牀下蟻癡人強
覩棘端猴聰明不在根塵裏藥餌空爲僕
婢憂但試周郎看聾
否曲音小誤已回頭

和宋肇遊西池次韻

漢皇慈儉不開邊尙教千艘下瀨船
貪看艨艟飛鬪檻不知鼯
屬舞鈞天故山西望三千里往事回思二十年
自笑區區足官
府不如公子散神仙

僕領貢舉未出錢穆父雪中作詩見及三月二十日同遊

金明池始見其詩次韻爲答

雪知我出已全消花待君來未敢飄行避門生時小飲忽逢騎
更有嘉招魚龍絕技來千里斑白遺民數四朝知有黃公酒爐
在蒼顏華髮自相遙

次韻子由五月一日同轉對

施注元祐三年五月一日公

戶部侍郎同對先是公發策試廖正一館職問王莽曹
操事侍御史王明叟觀奏論以爲非是韓川趙挺之亦
攻之公屢疏曰去故詩有憂患半生歸休上
策云云結用趙堯事言事官中必有所指也

跪奉新書笏在腰談王正欲伴耕樵晉陽豈爲一門事宣政聊
同五月朝憂患半生聯出處歸休上策蚤招要後生可畏吾衰
矣刀筆從來錯料堯

次韻許冲元送成都高士敦鈴轄

移中老監本虛名，嬾作燕山萬里行。
坐看飛鴻迎使節，歸來駿馬換傾城。
高才本不緣勳閥，餘力還思治蜀兵。
西望雪山烽火盡，不妨樽酒寄平生。

臥病逾月，請郡不許，復直玉堂十一月一日鎖院，是日苦

寒詔賜官燭法酒書呈同院

微霰疏疏點玉堂，詞頭夜下攬衣忙。
分光玉燭星辰爛，拜賜宮壺雨露香。
醉眼有花書字大，老人無睡漏聲長。
何時卻逐桑榆暖，社酒寒燈樂未央。

次韻王定國會飲清虛堂

何遜揚州又幾年官梅詩興故依然何人可復聞季孟與子不妨中聖賢卜築君方淮上郡歸心我已劔南川此身正似蠶將老更盡春光一再眠

夜直玉堂攜李之儀端叔詩百餘首讀至夜半書其後

玉堂清冷不成眠伴直難呼孟浩然暫借好詩消永夜每逢佳處輒參禪愁侵硯滴初含凍喜入燈花欲鬪妍寄語君家小兒子他時此句一時編

范景仁和賜酒燭詩復次韻謝之

公自注時公方進新樂

笙磬分均上下堂游魚舞獸自奔忙朱絃初識孤桐韻

公自注舊樂金石

石聲高而絲聲微今玉瑄猶聞秬黍香

公自注舊法以尺生律今以黍定律以律生尺

萬事今方咨伯始一斑我亦媿真長此生會見三雍就無復遼
遼歎未央

次韻劉貢父春日賜幡勝

寬詔隨春出內朝三軍喜氣挾狐貂鏤銀錯落翻斜月翦綵纈
紛舞慶霄臘雪強飛纔到地曉風偷轉不驚條脫冠徑醉應歸
臥便腹從人笑老韶

公自注前一日微雪是日幕次賜酒

再和

與君流落偶還朝過眼紛紛七葉貂莫笑華顛飄彩勝幾人黃
壤隔青霄行吟未許窮騷雅坐嘯猶能出教條記取明年江上
郡五更春枕夢春韶

葉公秉王仲至見和次韻答之

杉栝方暑亦堪朝歲晚淒風憶阜貂共喜鴟鷂歸禁藥心知日
月在重霄君如老驥初遭絡我似枯桑不受條強鑿霜須簪綵
勝蒼顏得酒尙能韶

再和

衰遲何幸得同朝溫勁如君合珥貂誰惜異材蒙徑寸自慙枯
枿借凌霄光風泛泛初浮水紅糝離離欲綴條後日一樽何處
共奉常端冕作咸韶

王鄭州挽詞

羨君華髮起琳宮右輔初還鼓角雄千里農桑歌子產一時冠

益慕蕭嵩那知聚散春糧外便有悲歡過隙中京兆同僚幾人
在猶思對案筆生風

公自注吾爲開封府幕與子難同應

送呂昌朝知嘉州

不羨三刀夢蜀都聊將八詠寄東吳臥看古佛凌雲閣敕賜詩
人明月湖得句會應緣竹鶴思歸甯復爲尊鱸橫空好在修眉
色頭白猶堪乞左符

次韻黃魯直寄題郭明父府推潁州西齋二首

樹頭啄木常疑客客去而曠定不然脫鞢已應生井沫解衣聊
復起庖煙平生詩酒真相汗此去文書恐獨賢蚤晚西湖喚華
髮小舟翻動水中天

寂寞東京月旦州德星無復綴珠旒莫嗟平輿去聲空神物尙有
西齋接勝流春夢屢尋湖十頃家書新報橘千頭雪堂亦有思
歸曲爲謝平生馬少游

次韻秦少章和錢蒙仲

碧畦黃隴稻如京歲美人和易得情鑑裏移舟天外思地中鳴
角古來聲山圍故國城空在潮打西陵意未平二子有如雙白
鷺隔江相照雪衣明

次韻錢越州

施注錢越州穆父先賦羣字韻詩東坡次其

中掌二制勇於報國不爲顧慮且復疏於言語是時眾
賢雖聚本朝而已有洛黨川黨朔黨之語言路多以謗
訕誣之二聖察其忠藎不以爲舉諸公無以洩其怒凡
所薦引如黃魯直歐陽叔弼王定國秦少游皆被彈劾

無得免者公乃屢章乞去歷辯誘傷元祐四年三月除
龍圖閣學士知杭州而穆父時以京尹坐奏獄空事守
越正言劉器之謂責之太薄錢與公以氣類厚善故此
詩末章云年來齒頰生荆棘習氣因君又一言後又和
云欲息波瀾須引去吾儕
豈獨坐多言意皆有在也

髯尹超然定逸羣南遊端爲訪雲門謫仙歸侍玉皇校老鶴來
乘刺史輻已覺簿書哀老子故知籩豆有司存年來齒頰生荆
棘習氣因君又一言

以上皆官翰林學士之
詩以下又出守杭州

去杭州十五年復遊西湖用歐陽察判韻

我識南屏金鯽魚重來拊檻散齋餘還從舊社得心印似省前
身覓手書葑合平湖久蕪沒人經豐歲尙凋疏誰憐寂寞高常
侍老去狂歌憶孟諸

送子由使契丹

雲海相望寄此身，那因遠適更沾巾。
不辭驛騎凌風雪，要使天驕識鳳麟。
沙漠回看清禁月，湖山應夢武林春。
單于若問君家世，莫道中朝第一人。

次韻答劉景文左藏

我老詩壇仆鼓旗，借君佳句發良時。
但空賀監杯中物，莫示孫郎帳下兒。
夜燭催詩金燼落，秋芳壓帽露華滋。
故應好語如爬癢，有味難名只自知。

坐上復借韻送岢嵐軍通判葉朝奉

雲間躡白看纏旗，莫忘西湖把酒時。
夢裏吳山連越嶠，樽前羌

婦雜胡兒夕烽過後人初醉春鴈來時雪未滋爲問從軍真樂
否書來麤遣故人知

始於文登海上得白石數升如芟實可作枕聞梅丈嗜石
故以遺其子子明學士子明有詩次其韻

海隅荒怪有誰珍零落珊瑚泣季倫法供坐令微物重色難歸
致孝心純只疑蘆葦來交趾未信蠙珠出泗濱願子聚爲江夏
枕不勞揮扇自甯親

次韻錢越州見寄

莫將牛弩射羊羣臥治何妨晝掩門稍喜使君無疾病時因送
客見車幡搔頭白髮秋無數閉眼丹田夜自存欲息波瀾須引

去吾儕豈獨坐多言

次韻劉景文周次元寒食同遊西湖

絮飛春減不成年老境同乘下瀨船藍尾忽驚新火後遊頭要

及浣花前

公自注成都太守自正月二日出遊山西老將詩無謂之遊頭至四月十九日浣花乃止

敵洛下書生語更妍共向北山尋二士畫橈鼙鼓聒清眠

新茶送簽判程朝奉以餽其母有詩相謝次韻答之

縫衣付與溧陽尉舍肉懷歸穎谷封聞道平反供一笑會須難
老待千鍾火前試焙分新胯雪裏頭綱輟賜龍從此升堂是兄
弟一甌林下記相逢

次韻送張山人歸彭城

羨君飄蕩一虛舟來作錢塘十日遊
水洗禪心都眼淨山供詩筆總眉愁
雪中乘興真聊爾春盡思歸卻罷休
何日五湖從范蠡種魚萬尾橘千頭

次韻林子中王彥祖唱酬

蚤知身寄一漚中晚節尤驚落木風

公自注近聞莘老公昨夢

已論三世事歲寒猶喜五人同

公自注余與子中彥祖并敦完夫同試舉人景德寺今皆健

雨餘北固山圍坐春盡西湖水映空
差勝四明狂監在更將老眼犯紅塵

壽星院寒碧軒

清風肅肅搖窗扉窗前修竹一尺圍
紛紛蒼雪落夏簾冉冉綠

霧霽人衣日高山蟬抱葉響人靜翠羽窈林飛道人絕粒對巖
碧爲問鶴骨何緣肥

贈善相程傑

心傳異學不謀身自要清時闕搢紳火色上騰雖有數急流勇
退豈無人書中苦覓原非訣醉裏微言卻近真我似樂天君記
取華顛賞遍洛陽春

次韻林子中赫山亭見寄

奇逸多聞老徹通何人慷慨解憐翁十年簿領催衰白一笑江
山發醉紅聞道賦詩臨北固未應舉扇向西風叩頭莫喚無家
客歸掃岷峨一畝宮

再和竝答楊次公

毗盧海上妙高峯二老遙知說此翁聊復艤舟尋紫翠不妨持
節散陳紅高懷卻有雲門興好句真傳雪竇風唱我三人無譜
曲馮夷亦合舞幽宮

次韻曹輔寄壑源試焙新芽

仙山靈草一作雨溼行雲洗遍香肌粉未勻明月來投玉川子清
風吹破武林春一作冰要知玉一作雪心腸好不是膏油首面新戲作
小詩君勿一作笑從來佳茗似佳人

次韻袁公濟謝芎椒

燥吻時時著酒濡要令臥疾致文殊河魚潰腹空號楚汗水流

骹始信吳

公自注吳眞君服椒法云半年脚心汗如水

自笑方求三歲艾不如長作

獨眠夫羨君清瘦眞仙骨更助飄飄鶴背軀

次韻楊次公惠徑山龍井水

公自注龍井水洗病眼有效

漏盡雞號厭夜行年來小器溢餅罌棄官縱未歸東海罷郡猶堪作水衡幻色將空眼先暗勝遊無礙脚殊輕空煩遠致龍淵水甯復臨池似伯英

次韻林子中見寄

飄零洛社數遺民詩酒當年困惡賓元亮本無適俗韻孝章要是有名人蒜山小隱雖爲客江水西來亦帶岷卷卻西湖千頃葑笑看魚尾更莘莘

次韻蘇伯固主簿重九

雲閒朱袖拂雲和知應

一作

是長松挂女蘿鬢重不嫌黃菊滿手

香新喜綠橙搓墨翻衫袖吾方醉紙落雲煙子患多只有黃雞

與白日玲瓏應識使君歌

送李陶通直赴清谿

忠文文正二大老

公自注司馬溫公范蜀公君之師友溫公諡文正蜀公諡忠文蘇李廣平三

舍人

公自注蘇子容宋次道與先公才元熙甫中封還李定詞頭天下謂之三舍人喜見通家賢子弟

自言得邑少風塵從來勢利關心薄此去谿山琢句新旨向西

湖畱數月錢塘初識小麒麟

聞錢道士與越守穆父飲酒送一壺

龍根爲脯玉爲漿下界寒醅亦漫嘗一紙鴉經逸少醉他年鵬
賦謫仙狂金丹自足留衰鬢苦淚何須點別腸吳越舊邦遺澤
在定應符竹付諸郎

次韻劉景文西湖席上

二老長身屹兩峯常撞大呂應黃鐘將辭鄴下劉公幹卻見雲
閒陸士龍白髮憐君略相似青山許我定相從吾今官已六百
石慙愧當年邴曼容

次韻答馬忠玉

坡陀巨麓起連峯積累當年慶自鍾靈運子孫俱得鳳慈明兄
弟孰非龍河梁會作看雲別詩社何妨載酒從祇有西湖似西

子故應宛轉爲君容

次韻答黃安中兼簡林子中

老去心灰不復然一麾江海意方堅那堪黃散付子度空羨蘇
杭養樂天病肺一春難白酒別腸三夜繞朱絃羣仙政欲吾歸
去共把清風借玉川

次韻子由書王晉卿畫山水一首而晉卿和二首

誤點故教同子敬雜篇真欲擬湯休壠雲寄我山中信雪月追
君谿上舟會看飛仙虎頭篋卻來顛倒拾遺裘王孫辦作玄真
子細雨斜風不溼鷗

此境眼前聊妄想幾人林下是真休我今心似一潭月君已身

如萬斛舟看畫題詩雙鶴鬢歸田送老一羊裘明年兼與土龍
去萬頃蒼波沒兩鷗

和劉景文見贈

元龍本志陋曹吳豪氣崢嶸老不除失路今爲噲等伍作詩猶
似建安初西來爲我風驚面獨臥無人雪縞廬留子非爲十日
飲要令安世誦亡書

次韻陳履常

可憐擾擾雪中人飢飽終同寓一塵老檜作花真強項凍鳶儲
肉巧謀身忍寒吟詠君堪笑得暖謹呼我未貧坐聽屐聲知有
路擁裘來看玉梅春

和陳傳道雪中觀燈

新年樂事歎何曾，閉閣燒香一病僧。
未忍便傾澆別酒，且來同看照愁燈。
頰魚躍處新亭近，湖雪消時畫舫升。
祇恐樽前無此客，清詩還有士龍能。

次韻林子中春日新隄書事見寄

東都寄食似浮雲，樸被眞成一宿賓。
收得玉堂揮翰手，卻爲淮月弄舟人。
羨君湖上齋搖碧，笑我花時甌有塵。
爲報年來殺風景，連江夢雨不知春。

之故罷此會

公自注來詩有芍藥春之句揚州近歲率爲此會用花十餘萬枝吏緣爲茲民極病

雙石 並引

至揚州獲二石其一綠色罔巒迤邐有穴達於背其一
玉白可鑿漬以盆水置几案間忽憶在潁州日夢人請
住一官府榜曰仇池覺而誦杜子美詩曰萬古仇池穴
潛通小有天乃戲作小詩爲僚友一笑

夢時良是覺時非汲井埋盆故自癡但見玉峯橫太白
便從鳥道絕峨眉秋風與作煙雲意曉日令涵草木姿一
點空明是何處老人真欲住仇池

王文玉挽辭

才名誰似廣文寒月斧雲斤琢肺肝玄晏一生都臥病子雲三
世不遷官幽蘭空覺香風在宿草何曾淚葉乾猶喜諸郎有曹

志文章還復富波瀾

行宿泗間見徐州張天驥次舊韻

二年三躡過淮舟款段還逢馬少游無事不妨長好飲著書自
要且窮愁孤松早偃原非病倦鳥雖還豈是休更欲河邊幾來
往祇今霜雪已蒙頭

次韻劉景文贈傅彘秀才

幼眇文章宜和寡崢嶸肝肺亦交難未能飛瓦彈清角肯便投
泥戲激寒忽見秋風吹洛水遙知霜葉滿長安詩成送與劉夫
子莫遣孫郎帳下看

在彭城日與定國爲九日黃樓之會今復以是日相遇於

宋凡十五年憂樂出處有不可勝言者而定國學道有
得百念灰冷而顏益壯願子衰病心形俱瘁感之作詩
菊盞萸囊自古傳長房甯復是懼仙應從漢武橫汾日數到劉
公戲馬年對玉山人今老矣見恆河性故依然王郎九日詩千
首今賦黃樓第二篇

次韻蔣穎叔錢穆父從駕景靈宮二首

歸來病鶴記城闔舊踏松枝雨露新半白不羞垂頷髮軟紅猶
戀屬車塵公自注前輩戲語有西湖風月不如東華軟紅香土雨收九陌豐登後日麗三
元下降辰癸識君王爲民意不才何以助精禋

與君竝直記初元白首還同入禁門玉殿齊班容小語霜廷稽

首泣微溫

公自注。適與穆父並拜庭中。地皆流溼。相與小語道之。

病貧賜茗浮銅葉。老怯

秋泉灑寶樽。回首鵷行有人傑。坐知羌鹵是遊魂。

次韻穆父尙書侍祠郊邱瞻望天光退而相慶引滿醉吟

千章杞梓蔭雲天。樛散誰收老鄭虔。喜氣到君浮白裏。豐年及我挂冠前。令嚴鐘鼓三更月。野宿貔貅萬竈煙。太息何人知帝力。歸來金帛看赭肩。

錢穆父蔣穎叔王仲至見和仇池詩復次韻答之

上窮非想亦非非。下與風輪共一癡。翠羽若知牛有角。空瓶何必井之湄。還朝暫接鸞鸞翼。謝病行收麋鹿姿。取和詩三益。友他年弭節過仇池。

玉津園

承平苑囿雜耕桑六聖勤民計慮長碧水東流還舊派

公自注玉津分

蔡河上流復合於下紫壇南峙表連岡不逢遲日鶯花亂空想疏林雪月

光千畝何時躬帝藉斜陽寂歷鏤雲莊

次韻王仲至喜雪御筵

施注元祐七年南郊罷時尊如期先生是歲自揚州召歸故云偶還

仗內身如寄仲至名欽臣時權工部侍郎

三軍喜氣鏤飛花睡起空驚月在沙未集驂騑金鞍覆故殘鳩

鵲玉橫斜偶還仗內身如寄尙憶江南酒可賒宣勸不多心自

醉強扶衰白拜君嘉

次天字韻答岑巖起

八家詩錄 卷三十一
一聲清蹕霧開天百辟心莊豈貌度回顧驚君珠玉側同升愧
我糝糠前裏回月色雷壇影縹緲松香泛蠟煙公自注近制以
椽燭松明易執
盆莫歎郎潛生白髮聖朝求舊鄙鳶肩

次韻蔣穎叔扈從景靈宮

道人幽夢曉初還已覺笙簫下月壇風伯前驅清宿霧祝融參
乘破朝寒英姿連璧從多士妙句鏘金和八鑿已向詞臣得頗
牧公自注時穎叔
新除熙河帥路人莫作老儒看

程德孺惠海中柏石兼尋佳篇輒復和謝

嵐薰瘴染卻敷腴笑飲貪泉獨繼吳未欲連車收薏苡肯教沈
網取珊瑚不知庾嶺三年別收得曹溪一滴無但指庭前雙柏

石要予臨老識方壺

次秦少游韻贈姚安世

帝城如海欲尋難，肯捨漁舟到杏壇。
剝啄扣君容膝戶，魏戔笑我切雲冠。
問羊獨怪初平在，牧豕應同德曜看。
肯把參同較，同異小窗相對爲研丹。

次韻穎叔觀燈

安西老守是禪僧，到處應然無盡燈。
永夜出遊從萬騎，諸羌入看擁千層。
便因行樂令投甲，不用防秋更打冰。
振旅歸來還侍宴，十分宣勸恐難勝。

次韻王晉卿奉詔押高麗燕射

家言錄卷五十一
北院傳呼陞楯郎東夷初識令君香天山自可三箭取海國何
勞一葦航宣勸不辭金盃側醉歸爭看玉鞭長錦囊詩草勤收
拾莫遣雞林得夜光

呂與叔學士挽詞

言中謀猷行中經關西人物數清英欲過叔度畱終日未識魯
山空此生議論凋零三益友功名分付二難兄老來尙有憂時
歎此涕無從何處傾

表弟程德孺生日

仗下千官散紫庭微聞偶語說蘇程長身自昔傳甥舅壽骨遙
知是弟兄

公自注子與君皆壽骨耳班列中表也
多指子二人不問而知其爲中表也
曾活萬人甯望

報公自注君在楚州予在杭州皆遇儼歲活數萬人祇求五畝卻歸耕四朝遺老凋零

盡鶴髮他年幾箇迎

次韻曾仲錫承議食蜜漬生荔支

代北寒蠶擣韭萍奇苞零落似辰星逢鹽久已成枯腊得蜜猶

應一作疑是薄劑欲就左慈求拄杖便隨李白跨滄溟攀條與立

新名字兒女稱呼恐不經公自注俗有十八娘荔支

再和曾仲錫荔支

柳花著水萬浮萍荔實周天兩歲星公自注柳至易成飛絮落水中經宿卽爲浮萍荔支

難長至二十四五年乃實本自玉肌非鵠浴至今丹殼似猩荆侍郎賦詠窮

三峽妃子煙塵動四溟莫遣詩人說功過且隨香草附騷經

次韻滕大夫雪浪石

我頃三章乞越州欲尋萬壑看交流且憑造物開山骨已見天

吳出浪頭

公自注石中似有海獸形狀

履道鑿池雖可致玉川卷地若爲收

洛陽泉石今誰主莫學癡人李與牛

次韻滕大夫沈香石

壁立孤峯倚硯長共疑沈水得頑蒼欲隨楚客紉蘭佩誰信吳
兒是木腸山下曾逢化松石玉中還有辟邪香早知百和俱灰
燼未信人閒弱勝剛

和錢穆父送別竝求頓遞酒

聯鑣接武兩長身鸚鵡行中語笑親九子羨君門戶壯八州憐

我往來頻仁聞東府開寶閣便乞西湖洗塞塵更向青齊覓消息要知從事是何人

寄餠合刷瓶與子由

老人心事日摧頽宿火通紅手自焙小甌短瓶良具足釋兒嬌女共燂煨寄君東閣閑蒸栗知我空堂坐畫灰約束家僮好收拾故山梨棗待翁來

次韻劉燾撫句蜜漬荔支

時新滿座聞名字別久何人記色香葉似楊梅蒸霧雨花如盧橘傲風霜每憐蓴菜下鹽豉肯與蒲萄壓酒漿回首驚塵卷飛雪詩情真合與君嘗

次韻曾仲錫元日見寄

蕭索東風兩鬢華，年年幡勝翦宮花。愁聞塞曲吹蘆管，喜見春

盤得蓼芽。吾國舊供雲澤米。

公自注：定武齋酒用蘇州米。

君家新致雪坑茶。

公自注：近得會坑茶。

燕南異事真堪紀，三寸黃甘肇永嘉。

次韻李端叔送保倅翟安常赴闕兼寄子由

中山保塞兩窮邊，臥治雍容已百年。願我迂愚分竹使，與君談

笑用蒲鞭。松荒三徑思元亮，草合平池憶惠連。白髮歸心憑說

與古來，誰似兩疏賢。

中山松醪寄雄守王引進

鬱鬱蒼髯千歲姿，肯來杯酒作兒嬉。流芳不待龜巢葉。

公自注：唐人以

荷葉爲酒杯謂之碧筒酒掃白聊煩鶴踏枝醉裏便成欲雪舞醒時與作嘯
風辭馬軍走送非無意玉帳人閑合有詩

次韻王雄州還朝留別

老李威名八十年壁間精悍見遺顏自聞出守風流似稍覺承
平氣象還但遣詩人歌杖杜不妨侍女唱陽關內朝接武知何
日白髮羞歸供奉班

次韻王雄州送侍其涇州

自次韻周邠至此凡三人朝三出刺州初出杭州繼出潁州改

揚州後出定州之詩

威聲又數中去聲興年二鹵行當一矢聯聞道名城得真將故應
驚羽落空弦追鋒歸去雄三衛授鉞重來定十連別酒回頭便

陳迹號呶端合發初筵

贈清涼寺和長老

自此以下南遷英州惠州詹州之詩

代北初辭沒馬塵江南來見臥雲人問禪不契前三語施佛空
留丈六身老去山林徒夢想雨餘鐘鼓更清新會須一洗黃茅
瘴未用深藏白氎巾

壺中九華詩並序

湖口人李正臣蓄異石九峯玲瓏宛轉若窗櫺然予欲
以百金買之與仇池石爲偶方南遷未暇也名之曰壺
中九華且以詩記之

清溪電轉失雲峯夢裏猶驚翠掃空五嶺莫愁千嶂外九華今

在一壺中天池水落層層見玉女窗明處處通念我仇池太孤
絕百金歸買碧玲瓏

八月七月初入顛過惶恐灘

七千里外二毛人十八灘頭一葉身山憶喜懼勞遠夢

公自注蜀道有

錯喜歡鋪在大散關上

地名惶恐泣孤臣長風送客添帆腹積雨浮

一作扶

舟減石鱗便合與官充水手此生何止略知津

天竺寺

並引

予年十二先君自虔州歸謂予言近城山中天竺寺有

樂天親書詩云一山門作兩山門兩寺元從一寺分東

澗水流西澗水南山雲起北山雲前臺花發後臺見上

八家詩錄卷二十二
界鐘清下界聞遙想吾師行道處天香桂子落紛紛筆
勢奇逸墨跡如新今四十七年予來訪之則詩已亡有
刻石存爾感涕不已而作是詩

香山居士畱遺跡天竺禪師有故家空詠連珠吟巖壁已亡飛
鳥失驚蛇林深野桂寒無子雨浥山齷病有花四十七年真一
夢天涯流落淚橫斜

舟行至清遠縣見願秀才極談惠州風物之美

到處聚觀香案吏此邦宜著玉堂仙江雲漠漠桂花溼梅雨脩
脩荔子然聞道黃柑常抵鵲不容朱橘更論錢恰從神武來弘
景便向羅浮覓稚川

廣州蒲澗寺

不用山僧導我前，自尋雲外出山泉。
千章古木臨無地，百尺飛濤瀉漏天。
昔日菖蒲方士宅，後來薈蔔祖師禪。
而今只有花含笑，笑道秦皇欲學仙。

公自注山中多含笑花

贈蒲澗長老

優鉢曇花豈有花，問師此曲唱誰家。
已從子美得桃竹，此公自注桃竹可作杖而上人不向安期覓棗瓜。
燕坐林閒時有虎，識子始錄子美詩遺之高眠粥後不聞鴉。
勝遊自古兼支許，爲採松肪寄一車。

浴日亭

劍氣崢嶸夜插天，瑞光明滅到黃灣。
坐看暘谷浮金暈，遙想錢

塘涌雪山已覺滄涼蘇病骨更煩沆瀣洗衰顏忽驚鳥動行人起飛上千峯紫翠間

十月二日初到惠州

彷彿曾遊豈夢中欣然雞犬識新豐吏民驚怪坐何事父老相攜迎此翁蘇武豈知還漠北管甯自欲老遼東嶺南萬戶皆春色公自注嶺南萬戶酒會有幽人客寓公

朝雲詩並引

世謂樂天有粥駱馬放楊柳枝詞嘉其主老病不忍去也然夢得有詩云春盡絮飛留不得隨風好去落誰家樂天亦云病與樂天相伴住春隨樊子一時歸則是樊

素竟去也予家有數妾四五年相繼辭去獨朝雲者隨予南遷因讀樂天集戲作此詩朝雲姓王氏錢塘人嘗有子曰幹兒未嘗而天云

不似楊枝別樂天恰如通德伴伶玄阿奴絡秀不同老天女維摩總解禪經卷藥鑪新活計舞衫歌扇舊因緣丹成逐我三山去不作巫陽雲雨仙

新釀桂酒

施注先生桂酒頌序是辭曰奠桂酒兮椒漿是桂酒也
桂可以爲酒也有隱居者以桂酒方教吾釀成而非世間物也

搗香篩辣入瓶益盎盎春溪帶雨渾收拾小山藏社甕招呼明月到芳樽酒材已遣門生致菜把仍叨地主恩爛煮葵羹斟桂

八家詩劍 卷二十二
醜風流可惜在蠻村

惠守詹君見和復次韻

已破誰能惜甌盆頽然醉裏得全渾欲求公瑾一倉米試滿莊
生五石樽三杯即困忘家事萬戶春濃感國恩刺史不須要半
道籃輿未暇走山村

詹守攜酒見過用前韻作詩聊復和之

箕踞狂歌老瓦盆燎毛燔肉似羌渾傳呼草市來攜客灑掃漁
磯共置樽山下黃童爭看舞江干白骨已銜恩公自注時詹方議葬懸骨孤
雲落日西南望長羨歸鴉自識村

正月二十六日偶與數客野步嘉祐僧舍東南野人家雜

花盛開扣門求觀主人林氏媼出應白髮青裙少寡獨
居三十年矣感歎之餘作詩記之一首

縹緗絳枝出絳房綠陰青子送春忙涓涓泣露紫含笑焰焰燒
空紅拂桑落日孤煙知客恨短籬破屋爲誰香主人白髮青裙
杖子美詩中黃四娘

贈王子直秀才

萬里雲山一破裘杖端閑挂百錢遊五車書已畱兒讀二頃田
應爲鶴謀水底笙歌蛙兩部山中奴婢橘千頭幅巾我欲相隨
去海上何人識故侯

真一酒並引

米麥水三一而已此東坡先生真一酒也

撥雪披雲得乳泓。蜜蠶又欲醉先生。稻垂麥仰陰陽足。器潔泉
新表裏清。曉日蒼顏紅有暈。春風入髓散無聲。人閒真一東坡
老與作青州從事名。

二二作

月十九日攜白酒鱸魚過詹使君食槐葉冷淘

枇杷已熟粲金珠。桑落初嘗瀦玉蛆。暫借垂蓮十分盞。一澆空
腹五車書。青浮卵椀槐芽餅。紅點冰盤蘘葉魚。醉飽高眠真事
業。此生有味在三餘。

連雨漲江二首

越井岡頭雲出山。犴江上水如天。牀牀避漏幽人屋。浦浦移

家。蟹子船龍卷魚蝦。并雨落人隨雞犬上牆眠。祇應樓下平階水。長記先生過嶺年。

急雨蕭蕭作晚涼。臥聞榕葉響長廊。微明煙火耿殘夢。半溼簾帷。浥舊香。高浪隱牀吹。蟻盜闔風驚。樹擺琳琅。先生不出晴無用。畱向空階滴夜長。

桄榔杖寄張文潛一首時初聞黃魯直遷黔南范滂父九疑也

睡起風清酒在亡。身隨殘夢兩茫茫。江邊曳杖桄榔瘦。林下尋苗。草撥香。獨步儻逢句。漏令遠來莫恨曲。江張遙知魯國真。男子獨憶平生盛孝章。

答周循州

蔬飯藜牀破衲衣。掃除習氣不吟詩。前生自是盧行者。後學過呼韓退之。未敢叩門求夜話。時叨送米續晨炊。知君清俸難多輟。且覓黃精與療飢。

六月十二日酒醒步月理髮而寢

羽蟲見月爭翺翻。我亦散髮虛明軒。千梳冷快肌骨醒。風露氣入霜蓬根。起舞三人謾相屬。停杯一問終無言。曲肱薤簟有佳處。夢覺瓊樓空斷魂。

十一月九日夜夢與人論神仙道術。因作一詩八句。既覺頗記其語。錄呈子出弟。後四句不甚明了。今足成之耳。

析塵妙質本來空，更積微陽一綫功。
照夜一燈長耿耿，閉門千息自濛濛。
養成丹竈無煙火，點盡人閒有暈銅。
寄語山神停伎倆，不聞不見我何窮。

章質夫送酒六壺書至而酒不達戲作小詩問之

白衣送酒舞

一作梅

淵明急掃風軒洗破觥，豈意青州六從事化

爲烏有一先生。空煩左手持新蟹，漫繞東籬嗅落英。
南海使君今北海，定分百榼餉春耕。

和子由盆中石菖蒲忽生九花

春萸秋莢兩須臾，神藥人閒果有無。
無鼻何由識，蒼筤有花今始信。
菖蒲芳心未飽，兩蛺蝶寒意知鳴。
幾蟪蛄記取明年十二

節小兒休更爾霜鬢

悼朝雲

並引

紹聖元年十一月戲作朝雲詩三年七月五日朝雲病
亡於惠州葬之栖禪寺松林中東南直大聖塔予既銘
其墓且和前詩以自解朝雲始不識字晚忽學書纔有
楷法蓋嘗從泗上比丘邱尼義冲學佛亦略聞大義且死
誦金剛經四句偈而絕

苗而不秀豈其天不使童烏與我玄駐景恨無千歲藥贈行惟
有小乘禪傷心一念償前債彈指三生斷後緣臥竹根無遠
近夜燈勤禮塔中仙

白鶴峯新居欲成夜過西隣翟秀才二首

林行婆家初閉戶翟夫子舍尙爾關連娟缺月黃昏後縹緲新
居紫翠閒繫悶豈無羅帶水割愁還有劔鉞山中原北望無歸
日隣火村春自往還

舊聞畢卓防偷酒壁後匡衡不點燈待鑿平江百尺井要分清
署一壺冰佐卿恐是歸來鶴次律甯非過去僧他日莫尋王粲
宅夢中來往本何曾

吳子野絕粒不睡過作詩戲之芝上人陸道士皆和予亦
次其韻

聊爲不死五通仙終了無生一大緣獨鶴有聲知半夜老蠶不

食已三眠憐君解比人閒夢

公自注芝有夢齋子由作銘

許我時逃醉後禪

會與江山成故事不妨詩酒樂新年

次韻惠循二守相會

共惜相從一寸陰酒杯雖淺意殊深且同月下三人影莫作天涯萬里心東嶺近聞松菊徑南堂初絕斧斤音知君善頌如張老猶望攜壺更一臨

又次韻二守許過新居

數畝蓬蒿古縣陰曉窗明

一作清

使夜堂深也知卜築非真宅聊

欲跣趺看此心聞道攜壺問奇字更因登木助微音相娛北戶江千頃直下都無地可臨

又次韻二守同訪新居

此生真欲老牆陰，卻掃都忘歲月深。
拔薤已觀賢守政，折蔬聊慰故人心。
風流賀監常吳語，憔悴鍾儀獨楚音。
治狀兩邦俱第一，穎川歸去肯重臨。

循守臨行出小鬟復用前韻

學語雛鶯在柳陰，臨行呼出翠帷深。
通家不隔同年面，公自注文之與
南圭令得路方知異日心。
趁著春衫遊上苑，要求國手教新音。
嶺梅不用催歸騎，截鞵須防舊所臨。
公自注文之嘗伴韶

客俎經旬無肉，父子由勸不讀書，蕭然清坐，乃無一事。

病怯腥臠不買魚，爾來心腹一時虛。
使君不復憐烏攫，屬國方

將掘鼠餘老去。獨收人所弃。游哉時到物之初。從今免被孫郎笑。絳帕蒙頭讀道書。

次韻子由三首

東亭

仙山佛國本同歸。世路玄關兩背馳。到處不妨閑卜築。流年自可數期頤。遙知小檻臨塵市。定有新松長棘茨。誰道茅檐劣容膝。海天風雨看紛披。

東樓

白髮蒼顏自照盆。董生端合是前身。獨樓高閣多詞客。爲著新書未絕麟。小醉易醒風力軟。安眠無夢雨聲新。長歌自調真堪

笑底處人閒是所欣

公自注：柳子厚詩云：高歌返故室，自調非所欣。

椰子冠

天教日飲欲全絲，美酒生林不待儀。
自漉疏巾邀醉客，更將空鼓付冠師。
公自注：前漢高紀：規摹古人爭看簪導，輕安髮不注云：醉有作冠師。知更著短簷高屋帽，東坡何事不違時。

十二月十七日夜坐達曉寄子由

燈燼不挑垂暗燼，灰重撥尙餘薰。
清風欲發鴉翻樹，缺月初升犬吠雲。
閉眼此心新活計，隨身孤影舊知聞。
雷州別駕應危坐，跨海幽光與子分。

上元夜過赴儋守召獨坐有感

使君置酒莫相違。守舍何妨獨掩扉。靜看月窗盤蜥蜴。臥聞風
幔落蜘蛛。燈花結盡。吾猶夢香篆。消時汝欲歸。搔首淒涼十年
事。傳柑歸遺滿朝衣。

海南人不作寒食。而以上已上家。予攜一瓢酒尋諸生皆
出矣。獨老符秀才在。因與飲至醉。符蓋儋人之安貧守
靜者也。

老鴉銜肉紙飛灰。萬里家山安在哉。蒼耳林中太白過。鹿門山
下德公回。管甯投老終歸去。王式當年本不來。記取南城上巳
日。木棉花落刺桐開。

庚辰歲人日作。時聞黃河已復北流。老臣舊數論此。今斯

言乃驗二首

老去仍棲隔海村，夢中時見作詩孫。
天涯已慣逢人日，歸路猶欣過鬼門。
三策已應思買讓，孤忠終未赦虞翻。
典衣剩買河源米，屈指新筵作上元。

不用長愁挂月村，檳榔生子竹生孫。
新巢語燕還窺硯，舊雨來人不閉門。
春水蘆根看鶴立，夕陽楓葉見鴉翻。
此生念念隨泡影，莫認家山作本元。

庚辰歲正月十二日天門冬酒熟予自漉之且漉且嘗遂以大醉二首

自撥牀頭一甕雲，幽人先已醉濃芬。
天門冬熟新年喜，麴米春

香竝舍聞

公自注杜子美詩云聞道雲安麴米春蓋酒名也

菜圃漸疏花漠漠竹扉斜

掩雨紛紛擁裘睡覺知何處吹面東風散纈紋

載酒無人過子雲年來家醞有奇芬醉鄉杳杳誰同夢睡息齟齬得自聞口業向詩猶小小眼花因酒尙紛紛點燈更試淮南語汎溢東風有縠紋

追和戊寅歲上元

春鴻社燕巧相違白鶴峯頭白板扉石建方欣洗牖廁姜龐不解歎蠨蟬一龕京口嗟春夢萬炬錢塘憶夜歸合浦賣珠無復有當年笑我泣牛衣

汲江煎茶

活水還須活火烹。公自注：唐人云：茶須緩火烹，活火煎。自臨釣石取深清。大瓢
月歸春甕小，杓分江入夜餅茶。雨已翻煎處，
聲枯腸未易禁。三椀坐聽荒城長短更。

六月二十日夜渡海

參橫斗轉欲三更。苦雨終風也解晴。雲散月明誰點綴，天容海
色本澄清。空餘魯叟乘桴意，竊識軒轅奏樂聲。九死南荒吾不
恨，茲遊奇絕冠平生。

次韻王鬱林

晚塗流落不堪言。巾上春泥手自翻。漢使節空餘皓首，故侯瓜
在有頽垣。平生多難非天意，此去殘年盡主恩。誤辱使君相按

拭甯聞老鶴更乘軒

送鮮于都曹歸蜀灌口舊居

籀盡霜鬢照碧銅依然春雪在長松
朝行犀浦催收芋夜渡繩橋看伏龍
莫歎倦遊無駟馬要將老健敵千鍾
子雲三世惟身在爲向西南說病容

送邵道士彥肅還都嶠

乞得紛紛擾擾身結茅都嶠與仙隣
少而寡慾顏常好老不求名語益眞
許邁有妻還學道陶潛無酒亦從人
相隨十日還歸去萬劫清遊結此因

題馮通直明月湖詩後

老衍清篇墨未枯，小馮新作語尤殊。
呼兒淨洗涵星硯，爲子褒歌墮月湖。
聞道蚌江空抱珥，公自注南詔有西珥河，卽古蚌河，形如月抱珥，故名西珥。
年來合浦自還珠。請君多釀蓮花酒，準擬王喬下履臯。

次韻鄭介夫二首

一落泥塗迹愈深，尺薪如桂米如金。
長庚到曉空陪月，太歲今年合守心。
相與齧糗持漢節，何妨振履出商音。
孤雲倦鳥空來往，自要閑飛不作霖。

一生憂患萃殘年，似驚蠶未易眠。
海上偶來期汗漫，葦閒猶得見延緣。
良醫自要經三折，老將何妨敗兩甄。
收取桑榆種梨棗，祝君眉壽似增川。

昔在九江與蘇伯固唱和其略曰我夢扁舟浮震澤雪浪

橫江

一作空

千頃白鷺來滿眼是廬山倚天無數開青壁

蓋寶夢也昨日又夢伯固手持乳香嬰兒示予覺而思之蓋南華賜物也豈復與伯固相見於此邪今得來書知已在南華相待數日矣感歎不已故先寄此詩

扁舟震澤定何時滿眼廬山覺又非春草池塘惠連夢上林鴻鴈子卿歸水香知是曹溪口眼淨同看古佛衣不向南華結香火此生何處是真依

次韻韶守狄大夫見贈二首

華髮蕭蕭老遂良

公自注褚河南帖云即日遂良髮盡白蓋蕭長沙時也

一身萍挂海中

次無錢種菜爲家業有病安心是藥方才疏正類孔文學癡絕
還同顧長康萬里歸來空泣血七年供奉殿西廊公自注邇英閣在延和殿

西廊

下

森森畫戟擁朱輪坐詠梁公覺有神白傅閒游空誦句公自注事見白

樂天吳郡詩石記

拾遺窮老敢論親

公自注事見子美寄狄明府詩

東海莫懷疏受意

西風幸免庾公塵爲公過嶺傳新唱催發寒梅一信春樹作一作

次韻韶倅李通直二首

一篇瀧吏可書紳莫向長沮更問津老去常憂伴新鬼歸來且
喜是陳人曾陪合尹蒼髯古又見郎君白髮新回首天涯一惆
悵卻登梅嶺望楓宸

青山祇在古城隅，萬里歸來卜築初。會見四山朝鶴駕，更看二

李跨鯨魚欲從抱，朴傳家學應怪中郎。得異書待我丹成，馭風

去借君瓊佩與霞裙。

公自注僕昔爲開封幕先公爲赤令暇日相與論內外丹且出其丹示僕今三十年

而見君曲江同遊南華宿山水間數日道舊感歎且勸我卜居於舒故詩中皆及之

李伯時畫其弟亮功舊隱宅圖

樂天早退今安有，摩詰長閒古亦無。五畝自栽池上竹，十年空
看輞川圖。近聞陶令開三徑，應許楊雄寄一區。晚歲與君同活
計，如雲鷺鳴散平湖。

過嶺二首

誓著南冠不到頭，卻隨北鴈與歸休。平生不作兔三窟，今古何

殊貉一邱當日無人送臨賀至今有廟祀潮州劍關西望七千里乘興爲玉局遊

七年來往我何堪又試曹溪一勺甘夢裏似曾選海外醉中不覺到江南波生濯足鳴空澗霧繞征衣滴翠嵐誰遣山雞忽驚起半崑花雨落毵毵

留題顯聖寺

渺渺疏林集晚鴉孤村煙火梵王家幽人自種千頭橘遠客來尋百結花浮石已乾霜後水焦坑閑試雨前茶祇疑歸夢西南去翠竹江村遶白沙

贈虔州術士謝晉臣

屬國新從海外歸。君平且莫下簾帷。前生恐是盧行者。後學過
呼韓退之。死後人傳戒定慧。生時宿直斗牛箕。憑君爲算行年
看便數。生時到死時。

王子直去歲送子由北歸往返百舍今又相逢巔上戲用

舊韻作詩韻別

米盡無人典破裘。送行萬里一鄒游。解舟又欲攜君去。歸舍聊
須與婦謀。聞道年來丹伏火。不愁老去雪蒙頭。剩買山田添鶴
口。廟堂新拜富民侯。

次韻江海叔兼呈器之

橫空初不跨鵬鵠。但覺胡牀步步高。

公自注器之言嘗夢飛自覺身與坐牀皆起空中

一枕晝眠春有夢，扁舟夜渡海無濤。歸來又見顛茶陸。公自注：往在錢塘嘗語晦叔陸升茶顛君亦然。多病仍逢止酒陶。公自注：陶淵明有止酒詩：器之小時飲量無敵，今不復飲矣。笑說南荒底處所，祇今榕葉下庭皋。

寒食與器之遊南塔寺寂照堂

城南鐘鼓鬪清新，端爲投荒洗瘴塵。總是鏡空堂上客，誰爲寂照境中人。紅英掃地風驚曉，綠葉成陰雨洗春。記取明年作寒食，杏花曾與此翁隣。

永和清都觀道士童顏鬢髮問其年生於丙子蓋與予同求此詩

鏡湖敕賜老江東，未似西歸玉局翁。羈枕未容春夢斷，清都宛

在默存中每逢佳境攜兒去試問行年與我同自笑餘生消底物半篙清漲百灘空

贈詩僧道通

雄豪而邁苦而腴祇有琴聰與蜜殊

公自注錢塘僧思聰總角善琴後捨琴而學詩復棄

殊詩敏捷立成而工妙絕人殊辟穀常啖蜜語帶煙霞從古少

公自注李太白云他人之文如山無煙霞吞無草木氣含蔬筍到公無酸留氣也香林

乍喜聞齋藷古井惟慙斷轆轤爲報韓公莫輕許從今島可是

詩奴

予昔作壺中九華詩其後八年復過湖口則石已爲好事

者取去乃和前韻以自解云

江邊陣馬走千峯問訊方知冀北空
尤物已隨清夢斷公自注劉夢得

以九華爲造物一尤物真形猶在畫圖中公自注道藏自歸來晚歲同元

亮卻掃何人伴敬通賴有銅盆修石供
仇池玉色自瓊瓏公自注家

有銅盆貯仇池石正綠色有洞水達背子又嘗以怪石供佛印師作怪石供一篇

次舊韻贈清涼長老自贈清涼寺和長老起至此皆南遷英州惠州儋州及北歸之詩

過淮入洛地多塵舉扇西風欲汚人
但怪雲山不改色豈知江

月解分身安心有道年顏好一作少遇物無情句法新
送我長蘆

舟一葉笑看雪浪滿衣巾

子以事繫御史臺獄獄吏稍見侵
自度不能堪死獄中不

得一別子由故作二詩授獄卒梁成以遺子由自此以下施注

本補遺
之詩

聖主如天萬物春。小臣愚暗自亡身。百年未滿先償債。十口無歸更累人。是處青山可埋骨。他年夜雨獨傷神。與君世世爲兄弟。又結來生未了因。

柏臺霜氣夜淒淒。風動琅璫月向低。夢繞雲山心似鹿。魂飛湯火命如雞。眼中犀角真吾子。身後牛衣愧老妻。百歲神遊定何處。桐鄉知葬浙江西。
公自在獄中聞杭州開民爲余作解厄道場者累月故有此句

十二月二十八日蒙恩責授檢校水部員外郎黃州團練

副使復用前韻

百日歸期恰及春。餘年樂事最關身。出門便旋風吹面。走馬聯

翩鵲倬人卻對酒杯渾是夢試拈詩筆已如神此災何必深追
咎竊祿從來豈有因

平生文字爲吾累此去聲名不厭低塞上縱歸他日馬城東不
鬪少年雞休官彭澤貧無酒隱几維摩病有妻堪笑睢陽老從
事爲予投檄向江西公自注子由聞予下獄乞以
官爵贖子罪貶筠州監酒

十二月二十日蒸聞太皇太后升遐慈聖
后也以軾罪人不許

承服欲哭則不敢欲泣則不可故作挽詞二章

巍然開濟兩朝勳信矣才難十亂臣原廟故應祠百世先王何
止活千人和熹未聖猶貪位明德雖賢不及民月落風悲天雨
泣誰將椽筆寫光塵

未報山陵國士知，遶林松柏已猗猗。
一聲慟哭猶無所，萬死酬恩更有時。
夢裏天衢隘雲仗，人間雨淚變形帷。
關雎卷耳平生事，白首纍臣正坐詩。

趙成伯家有麗人僕忝鄉人不肖開樽徒吟春雪美句次

韻一笑

繡簾朱戶未曾開，誰見梅花落鏡臺。
試問高吟三十韻，何如低唱兩三杯。
公自注世言儉死秀才衣帶上有雪詩三十韻又云謂妓曰黨家應不識此妓曰彼儻人安得此但能於銷金煖帳中淺斟低唱喫羊羔兒酒陶然慙其言莫言衰鬢聊相映須得緜腰與共回知道文君隔青瑣梁園賦客肯言才
公自注聊答來句義取婦人而已罪過罪過

贈虔州慈雲寺鑿老

居士無塵堪洗沐道人有句借宣揚
窗闌但見蠅鑽紙門外惟聞佛放光
徧界難藏真薄相一絲不挂且逢場
卻須重說圓通偈千眼薰籠是法王

觀開西湖次吳左丞韻

偉人謀議不求多事定紛紛自唯阿
盡放龜魚還綠淨冒容蕭葦障前坡
一朝美事誰能紀百尺蒼崖尙可磨
天上列星當亦喜月明時下浴明疑作清波

渝州寄王道祖祖一作矩

曾聞五月到渝州水泊長亭砌下流
唯有夢魂長繚繞共論唐

史更綢繆舟經故國歲時改霜落寒江波浪收歸夢不成冬夜
永厭聞船上報更籌

聞洮西捷報

漢家將軍一丈佛詔賜天池八尺龍露布朝馳玉關塞捷書夜
到甘泉宮似聞指揮築上郡已覺談笑無西戎牧臣不見天顏
喜但驚草木放一作皆春容

己未十月十五日獄中恭聞太皇太后不豫有赦作詩
庭柏陰陰晝掩門烏知有赦開黃昏漢宮自種三生福楚客還
招九死魂縱有鋤犁及田畝已無面目見邱園只應聖主如堯
舜猶許先生作正言

謝人惠雲巾方島二首

燕尾稱呼理未便，翦裁雲葉卻天然。無心祇是青山物，覆頂宜

歸紫府仙。轉覺周家新樣俗，公自注：頭巾起後周。未容陶令舊名傳。鹿門

佳士勤相贈，黑霧玄霜合比肩。公自注：皮襲美贈天隨子沙巾詩云：掩斂乍疑裁黑霧，輕明渾

似帶玄霜。

胡鞞短勒格，龕疏古雅無。如此樣殊妙，手不勞盤作鳳。公自注：晉永嘉

中有鳳頭鞋。輕身只欲化爲鳧，魏風褊儉堪羞葛。楚客豪華可笑珠

擬學梁家名解脫，公自注：武帝作解脫履。便於禪坐作跏趺。

被命南遷塗中寄定武同僚

人事千頭及萬頭，得時何喜失時憂。祇知紫綬三公貴，不覺黃

梁一夢遊適見恩綸臨定武忽遭分職赴英州南行若到江干
側休宿潯陽舊酒樓

次韻王定國得晉卿酒相留夜飲

短衫壓手氣橫秋更著仙人紫綺裘使我有名全是酒從他作
病且忘憂詩無定律君應將醉有真鄉我可侯且倒餘樽盡今
夕睡蛇已死不須鉤

秋晚客興

草滿池塘霜送梅疏林野色近樓臺天圍故越侵雲盡湖上孤
城帶月迴客夢冷隨楓葉斷愁心低逐鴈聲來流年又喜經重
九可意黃花是處開

陳伯比和回字復次韻

百里馮生甯屑去湖海陳侯猶冒來詩書好在家四壁蒲柳蒼
然城一隈騎上下山亦疏矣儵從容出何爲哉市橋十步卽塵
土晚雨瀟瀟殊未回

畱別登州舉人

身世相忘久自知此行聞看古黃腫自非北海孔文舉誰識東
萊太史慈落筆已吞雲夢客抱塞欲訪水仙師莫嫌五日恩
守歸去先傳樂職詩

過嶺寄子由二首

投章獻策謾多談能雪冤忠死亦甘一片丹心天日下數行清

淚嶺雲南光榮歸佩呈佳瑞瘴癘幽居弄曉嵐從此西風庾梅
謝卻迎誰與馬珍珍

山林瘴霧老難堪歸去中原茶亦甘有命誰憐終反北無心卻
笑亦巢南蠻音慣習疑僮語脾病縈纏帶嶺嵐賴有祖師清淨
水塵埃一洗落穉穉

歇白塔鋪

甘山廬阜鬱長望林隙依稀一作熹微漏日光吳國晚蠶初斷葉占

城蚤稻欲移秧迢迢澗水隨人急冉冉巖花撲馬香望眼儘從

一作窮飛鳥遠白雲深處是吾鄉

西蜀楊耆二十年前見之甚貧今見之亦貧所異於昔者

蒼顏華髮耳女無美惡富者妍士無賢不肖貧者鄙使其逢時遇合豈減富世之士哉頃宿長安驛舍聞泣者甚怨問之乃昔富而今貧者乃作一詩今以贈楊君

孤村漸微

一作

雨逐秋涼逆旅愁人怨夜長不寐相看唯櫪馬愁

吟一作悲歌

互答有寒蟹天寒滯穗猶橫畝晚歲空機尙倚牆勸爾

一杯聊復睡人間貧富海茫茫

贈人

別後休論信息疏仙凡自古亦殊途蓬山路遠人難到霜柏威高道轉孤舊賞未應忘楚國新詩聞已滿皇都誰憐澤畔行吟者目斷長安貌欲枯

觀湖二首

乘槎遠引神仙客，萬里清風上海濤。
回首不知沙界小，飄衣猶覺色塵高。
須彌有頂低垂日，兜率無根下戴鼇。
釋梵茫然齊劫火，飛雲不覺醉陶陶。

朝陽照水紅光開，玉濤銀浪相徘徊。
山分宿霧儘寬遠，雲駕高風馳送來。
昇霞影色歛殘火，及物氣燄明纖埃。
可憐極大不知已，浮生野馬悠悠哉。

寄高令

滿地春風掃落花，幾番曾醉長官衙。
詩成錦繡開胸臆，論極冰霜繞齒牙。
別後與誰同把酒，客中無日不思家。
田園知有兒孫在，

委蚤晚扁舟到海涯

寄子由

厭暑多應一向慵銀鉤秀句益疏通也知堆案文書滿未暇開
軒硯墨中湖面新荷空照水城頭高柳漫搖風吏曹不是尊賢
事誰把前言語化工

詩送交代仲達少卿

此身無用且東來賴有江山慰不才舊尹未嫌衰廢久清樽猶
許再三開滿城遺愛知誰繼極目扁舟挽不回歸去青雲還記
否交遊勝絕古城隈

次韻馬元賓

流落江湖萬里歸相逢自慰已差池初聞好句驚人倒悔過東
庭識面遲握手甯知無賀監結交誰復許袁絲塞鴻正欲摩天
去垂老追攀豈可期

第五橋

白露淒風洗瘴煙夢回相對兩淒然雀羅廷尉非當日鳩杖先
生愈少年世事飽諳思縮手主恩未報恥歸田誰憐第五橋東
水獨照台州老鄭虔

次韻完夫再贈之什某已卜居毗陵與完夫有廬里之約
云

柳絮飛時筍籜班風流二老對開關雪牙爲我求陽羨乳水君

應餉惠山竹簟水風眠畫永玉堂制草落人閒應容緩急煩闔
里桑柘聊同十畝閑

和林子中待制

兩翁畱滯各幡然笑迂疏老更堅共把鷺兒一作一樽酒相
逢柳色五湖天江邊遺愛嗁斑白海上先聲入管絃蚤晚淵明
賦歸去浩歌長嘯老斜川

九日袁公濟有詩次其韻

古來靜治得清閑我愧眞常也一班舉酒東榮挹江海回樽落
日勸湖山平生傾蓋悲歡裏蚤晚抽身簿領閒笑指西南是歸
路倦飛弱羽久知還

和吳安持使者迎駕

小雪疏煙雜瑞光，清波寒引御溝長。
曛曛日色籠丹禁，杳杳鞭聲出建章。
鷓鴣偶叨陪下列，天闔聊啟望中央。
歸來喜氣傾新句，滿座疑聞錦繡香。

鹿鳴宴

連騎怱怱鼙鼓喧，喜君新奪錦標還。
金罍浮菊催開宴，紅葉將春待入關。
他日曾陪探禹穴，白頭重見賦南山。
何時共樂昇平事，風月笙簫坐夜閑。

次韻張甥棠美晝眠

炎歊五月北窗涼，更覺甘如飯稻梁。
宰我冀鳴譏敢避，孝先經

笥兼忘憂虞心謝知時鴈安穩身同挂角羊要識熙熙不爭
競華胥別是一仙鄉

真興寺閣禱雨

太守親從千騎禱神翁遠借一杯清雲陰黯黯將噓遍雨意昏
昏欲醞成已覺微風吹袂冷不堪殘日傍山明今年秋熟君知
否應向江南飽食稔

惠州近城數小山類蜀道春與進士許毅野步會意處飲
之且醉作詩以記適參寥專使欲歸使持此以示西湖
之上諸友庶使知余未嘗一日忘湖山也

夕陽飛絮亂平蕪萬里春前一酒壺鐵化雙魚沈遠素劍分二

嶺隔中區花會識面香仍好鳥不知名聲自呼夢想平生消未
盡滿林煙月到西湖

送蜀僧去塵

十年讀易費膏火盡日吟詩愁肺肝不解丹青追世好欲將芹
芷薦君盤誰爲善相甯嫌瘦復有知音可廢彈拄杖挂經須倍
道故鄉春蕨已闌干

會元恕遊龍山呂穆仲不至

青春不覺老朱顏強半銷磨簿領閒愁客倦吟花以字疑酒佳
人休唱日銜山共知寒食明朝過且赴僧窗半日閑命駕呂安
邀不至浴沂曾點暮方還

黃河

活活何人見混茫崑崙氣脈本來黃濁流若解污清濟驚浪應
須動太行帝假一源神禹跡世流三患梗堯鄉靈槎果有仙家
事試問青天路短長

壬寅重九不預會獨遊普門寺僧閣有懷子由

花開酒美盃不歸來看南山冷翠微憶弟淚如雲不散望鄉心
與鴈南飛明年縱健人應老昨日追歡意正違不問秋風強吹
帽秦人不笑楚人譏

小飲公瑾

一作

舟中

青泥赤日午相烘走訪

一作

船窗柳影中輟我東坡無限睡賞

君南浦不賞風坐觀邸報談迂叟閑說滁山憶醉翁此去澄江
三萬頃祇應明月照還空

公自注鄧滁人也是日坐中觀邸報云叟入下省

和子由次王鞏韻如囊之句可爲一噓

平生未省爲人忙貧賤安閑氣味長麤兔趨時頭似葆稍能忍
事腹如囊簡書見迫身今老樽酒聞呼首一昂欲挹天河聊自
洗塵埃滿面鬢眉黃

儻耳

霹靂收威莫雨開獨憑欄檻倚崔巍垂天雌霓音霓雲端下快意
雄風海上來野老已歌豐歲語除書欲放逐臣回殘年飽飯東
坡老一壑能專萬事灰

答李端叔

若人如馬亦如班笑履壺頭出玉關已入西羌度沙磧又來東
海看濤山識君小異于人裏慰我長思十載閒一作鄰居
時邂逅相逢有味是偷閑

立春日病中邀安國仍請率禹功同來僕雖不能飲當請
成伯主會某當杖策倚几於其閒觀諸公醉笑以撥滯
悶也

孤燈照影夜漫漫拈得花枝不忍看白髮欹簪羞彩勝黃耆煮
粥薦春盤東方烹狗陽初動南陌爭牛臥作團老子從來興不
淺向隅誰有滿堂歡

齋居臥病禁煙前辜負名花已一年此日使君不强喜青春風
物爲誰妍青衫公子家千里白首先生杖百錢曷不相將來問
病已教呼取散花天

和參寥見寄

黃樓南畔馬臺東雲月娟娟正點空欲共幽人洗筆硯要傳流
水入絲桐且隨侍者尋西谷莫學山僧老祝融待我西湖借君
去一杯湯餅潑油蔥

東園

岑寂東園可散愁膠膠擾擾夢神州萬竿苦竹旌旗卷一部鳴
蛙鼓吹收雨後月前天欲冷身閑心遠地偏幽杜門謝客恐生

謗且作人閒鷓鴣遊

奉和陳賢良

不學孫吳與六韜敢將駑馬竝英豪望窮海表天還遠傾盡葵
心日愈高身外浮名休瑣瑣夢中歸思已滔滔三山舊是神仙
地引手東來一釣鼈

秋興三首

野鳥游魚信往還此身同寄水雲閒誰家晚吹殘紅葉一夜歸
心滿舊山可慰摧頽仍健食此生通脫屢醜顏年華豈是催人
老雙鬢無端祇自斑

故里依然一夢前相攜重上釣魚船嘗陪大幕今陳迹謬忝承

明愧昔年報國無成空白首退耕何處有名田黃雞白酒雲山
約此計當時已浩然

浴鳳池邊星斗光宴餘香滿上書囊樓前夜月低韋曲雲裏車
聲出未央去國何年雙鬢雪黃花重見一枝霜傷心無限厭厭
夢長似秋宵一倍長

夜直祕閣呈王敏甫

蓬瀛宮闕隔埃氛帝樂天香似許聞瓦弄寒暉鴛臥月樓生晴
靄鳳盤雲共誰交臂論今古祇有閑心對此君大隱本來無境
界北山猿鶴漫移文

次韻參寥寄小游

岩棲木石已皤然交舊何人慰眼前素與畫公心印合每思秦
子意珠圓當年步月來幽谷拄杖穿雲冒夕煙臺閣山林本無
異故應文字不離禪

謝曹子方惠新茶

陳植文華斗石高景公詩句復稱豪數奇不得封龍額祿仕何
妨有馬曹囊簡久藏科斗字銛鋒新瑩鵬鴉膏南州山水能爲
助更有英辭勝廣騷

題潭州徐氏春暉亭

瞳瞳曉日上三竿客向東風竟倚欄穿竹鳥聲驚步武入簷花
影落杯盤勿嫌步月臨玄圃冷笑乘槎向海灘勝概直應吟不

盡憑君寄與畫圖看

贈仲勉子文

雨昏南浦曾相對雪滿荊州喜再逢
有子才如不羈馬知君心似後凋松
閑看書冊應多味老傍人門想更慵
何日晴軒觀筆硯一杯相屬更從容

按此詩亦見黃山谷集
題作和高仲本喜相見

講武臺南有感

又見黃山谷集

山城九月冒朝寒講武臺南路屈盤
騶子雨中乘馬去村童煙外倚牆看
鷓鴣冢木秋風急鷺立漁船夜水乾
花似去年堪折贈插花人去淚闌干

題寶雞縣斯飛閣

西南歸路遠蕭條倚檻魂飛不可招野闊牛羊同鴈鷺天長草
樹接雲霄昏昏水氣浮山麓汎汎春風弄麥苗誰使愛官輕去
國此身無計老漁樵

重遊終南子由以詩見寄次韻

去年新柳報春回今日殘花覆綠苔溪上有堂還獨宿誰人無
事肯重來古琴彈罷風吹座山閣醒時月照杯嬾不作詩君錯
料舊逋應許過時陪

次韻和子由欲得驪山沈泥硯

沈一作滑

舉世爭稱鄴瓦堅一枚不換百金頒豈知好事王夫子自採臨
潼繡嶺山經火尚含泉脈暖弔秦應有淚痕澗封題寄去吾無

用近日從戎擬學班

次韻子由彈琴

琴上遺聲久不彈
琴中古義本長存
苦心欲記常迷舊
信指如歸自看痕
應有仙人依樹聽
空教瘦鶴舞風騫
誰知千里溪堂夜
時引驚猿撼竹軒

十八家詩鈔卷二十二

善化黃維申襄校